

春

融

堂

集

春融堂集卷十一

青浦王和德甫

勞歌集 巳丑

過圓通寺

一身如孤雲愛覓溪山去忽聞螺峯高丹碧層崖布入門肆
曠覽拾磴信微步仰睇補陀巖青蒼掩朝暉林鳥不知春自
與東風訴孤亭憩納霞萬象互奔赴人家渺炊烟江流隔宿
霧上有千株松寒濤在雲路二十五圓通教體皆堪悟欲叩
此方機微鐘出烟樹

自發京師相好者多言滇南炎熱飲酒易以致疾道
中屢欲絕之而不果既抵昆明馮泰占光熊戒余益
堅自分此身來去如臂屈伸本不足深計然良友諄

復之旨不可忘也乃和淵明止酒詩以自警

吾生如落花流水隨所止甚欲效東臯終老醉鄉裏豈知墮

百蠻家家食蘆子

蘆子性辟瘴如檳榔苗香之屬滇人多食之

良朋搖手戒麴蘖

慎勿喜此去千里山炎烟日夜起腐腸古所云引瘴實其理

不見劉元城生還自得已殷勤謝苦語吾病知免矣有酒縱

如澠不復望涯涘何須求鴉炙往問勞子祀

浴安寧州溫泉

在雲壽寺側

滇中多溫泉甚者等執熱此邦直南交火德易蒸泄妃丁兼

婦王兩者會扇鑄真如大冶融不俟硃砂結流為山下泉與

世助芳潔我經萬仞山浴此一池雪解衣先盤礴小坐已澁

微不知春何來益益浮窾穴漸同飲醇醪微溫散肢節塵污

豈待驅自與肌膚別吾性本無垢云何染緇涅茲猶麻姑搔

宿穢旋消滅歸來憩禪牀津梁轉疲芥欲誦功德水干偈何處覓門前螻蟻川自寫廣長舌

雲濤寺曉發

昨宵新浴歸竟擬躡飛鳳忽聞五更鐘吹斷游仙夢殘僧四五人爲客起禪誦了知非梵音已覺豁塵霽佛火曉未殘晨光早先動起來罷盥漱稍稍集僣從出寺沿雲巖谿訝森古洞乃識地氣靈應許神漿供所恨疥壁書斜行等嘲弄惟餘荷澤詩壁間劉中丞素存藻詩最工雅清妍尚堪諷朝陽雜紫翠林影亂鞭聲猶喜石淙泉潺湲遠相送

白崖懷古

朝經黎石關暮宿白崖口青蒼九龍山萬笏出堆阜覆釜復崢嶸鳥道綴跟肘西爲畢鉢羅洞窟勸甕缶南爲毘雌江寒

壽激清劄此邦本巖疆白國垂已久誌始阿育王系出西海
後歷傳龍祐那姓自武鄉受四姓暨五部緣崖設城守郵聞
天寶年國事失樞紐邊臣妄開邊士馬詫騰蹂維時皮邏閣
六詔無與偶倔強等鹵承獷猾類柔藉猶然奉朝正交閭會
圭旨何期張虔陀牆茨最堪醜官邪當屋誅用以警九有仲
通權奸徒黨惡北戎首懸軍出兩道謾擬誅貳負謝罪尚弗
容遂使鋌險走濮髮互煽動爨睽隨指喉萬牛供鬻炙萬甕
恣行酒鐸鞘眠月瑩銅鼓殷雷吼惡氛漲南溟殺氣射北斗
眈眈虎在岫赫赫蛇蟠藪虛傳肉薄攻轉致飽毒手李宓復
繼之深入中誑誘時違嬰疾癘道遠乏糧糗賁軍更殺將膏
血動杵臼至今骨已殘舊鬼恨未朽追思唐中葉盩運迫陽
九國枋落外家雄狐綰相綬使節領劍南萬里託干振蒼涼

兵車行感慨杜陵叟旋令金蝦蟇虛無動蚘螻郎當蜀棧間
至尊犯塵垢爲數生厲階始事在誰某蠻貊異函夏雜種如
瘳狗羽干儻可懷撻伐非所取我欲書其事深刻類岫嶮大
有禹碑蓋楊升庵庶與殷鑒同諷誦待矇瞍理

洱海向多長風甚者至掣肩輿去輿夫每患之今晨

過下關一名龍尾關微風偶作無標怒狀詩以紀之

南行度下關四山亂青碧點蒼中最高洱海復瀟澗山水所
結蟠陰陽亦迸迫野老前致詞去路直穹壁焚輪每晝號侵
淫肆橫擊其聲駭波濤其力厲霹靂端可歷林莽詎止走瓦
礫從空掣行人快若颺飛鷁聞言彈指嗟噫氣何太劇黑雲
沉頽天勢掩餘霞赤顏憂厄豐隆宵寐未安席朝來金烏升
土囊忽寥寂披襟獨冷然曾未動淺僻衡山陰可開海市怪

能觀我無古人才幸爲神靈惜稽首謝天公蠻氛苦未滌吹
律尚弗同何以靖鋒鏑所斬不鳴條長養被黍麥遙應南薰
絃解此饗牖戚

寄謝經過途次諸君

單車南下逐飛鴻適館頻承授粲豐自分勞薪同賸客偏教
行李累羣公衰遲敢歎功名薄文采虛叨物望雄寄語江湖
東道主久將爭席任鄰翁

送張同知質齋煥歸永綏次升之韻

石交廿年餘同臭劇蕙蔭豈期流落地相遇近滇海意態仍
昂峨胸次足嶮嶮去夏被檄來從戎戒冑鎧功曹重帶願從
事得呂凱陳詩賦溫其設誓勗敵乃行將逐槍擧取道出咧
陳緣望闕箚篋倅敵爽鉞鍛寧憂南陬南山水限崑崙師期

尚未徵春信入蓓蕾初候墊始驚小住蟾再朏謂竢汗裸平
鐫功附鼎彝君言鑿微誠所賴良朋美自從辭蒸湘彈指忽
經載色養已久睽浮榮何足采曉看雜卉紅回首想舞綵執
訊勢非遙懷親情更倍念君歸緒殷感我淚痕澆三冬序潛
移萬里信難逮登高望白雲下有子舍在軍諮媿無狀詎敢
叩真宰送君欲贈君援筆氣先餒懸知覲護幃火令值初改
入境父老歡迎門童稚待重展咳蘭圖更憶蜀中宋

時君屬大邑令

仲松嵐作
墨蘭橫卷

過楊升庵先生故居

不信詞章士忠能叩九關呼號真有厲衰老尚難還客夢三
巴樹鬚愁六詔山小桃紅欲染猶似杖痕斑

著譔多爲貴聲名愛更傳生徒稱六學文采播三宣俎豆知

何日先生祠未入祀典松篁不記年朝陽樓閣上獨照斷腸篇壁上書黃

夫人三春花柳一詩

送同年仲明府松嵐鶴慶回大邑任

豈料同年舊翻從異地親形容俱慘澹肝膽尚輪囷決勝秋
杵在澆愁酒瓊頻及瓜聞有信西笑望峩岷

聞道松潘路將徵雜谷兵九司搜銳卒千里赴行營列帳炊

烟黑連山堠火明不逢班定遠何以息邊氓前以三雜谷土

移撤徵之副將軍廣庭阿公謂雜谷地寒瀾向炎熱水土不宜乃止

易羅池亭

噫氣決土囊喁吁振萬竅水輪應亦然迸激安可料大塊稍
遇隙逆上湧飛瀑臨水更見水動影自清妙亭亭青蘋底繫
纍仙璣繞明湖柳絮泉舉似儼相肖池方百畝寬未容一塵

到涵虛露玉沙聊許孤雲照春深尚清寒宛如積秋潦偶有
金尾魚時向空明掉日斜鳥雀散我來展遐眺其平比湘簾
其澹等雪縞畧約界危亭無復魚師釣想當夜涼時缺月挂
蘿菴波光動簾旌悽寂類仙嶠何人賞澄瀾來此獨倚櫂

將往騰越先寄雲松四首

瘴嶺千重絕域鄰騰身汗漫竟何因冰霜驛路回殘歲烽火
邊關託故人急難終憐青眼在窮交喜見白頭新中宵噩夢
心猶悸肺腑槎枒敢再陳

彈指前塵七載餘承明蹤跡駉蛩如得錢市酒挑燈酌乞米
朝餐竝屋居蒲褐空齋家更遠耘菘舊約計還虛阿奴碌碌
君須記只憶生平下澤車

鐵甲連雲戰未收毛錐何意雜兜鍪浮蹤約畧同齊贅假面

分明作楚優天入南溟窮鬼宿地過西漢盡神州小人有母
知同感望斷孤雲萬里愁

一麾出守歷蠻邦又向哀牢擁碧幢方寸久知生五嶽前籌

竟擬渡三江謂南大金江南得龍江河瓦江也鶴鵝陣合將軍令雲松時從兩將軍駐

蓋龜象琛期屬國降時屢有緬甸乞降之信金印果堪求斗大深譚還

欲翦銀缸

渡路江

蟻徑盤旋五十里自蒲縹至此凡五十里直下山根若釜底蠻江西來

疾於矢太息吾行胡至此茲江發番蒙奔流掠騰衝潞江在

西番名哈拉鳥蘇即禹貢之黑水其水自前藏東北哈拉臘

兒流出東南入喀木界又東南流入怒夷界為怒江入雲南

大斯隘不滙海泊兼銀龍二江下經車里越擺古張機江考

為路江怒江經芒市至木邦名查里江又經流入百車南荒獨與環

里地至擺古東入海俱金沙江以下之支流也

瀛通江間茆竹數家住黃果叢深塞道路云有祇神於此據
朝蒸炎烟暮毒霧瘴氣如虹亂花絮千峯層疊高刺天經時
不得春風顛喚船江岸日似火行人下馬汗交墮

八灣曉起

瘴霧炎雲極望同蕭條破驛一鐙紅人行兩戒圖經外路入
三宣版籍中月暗深叢啼怪狖春回荒砌沸鳴蛩朝來慣送
疎疎雨已聽輕雷碾碧空

經高黎貢山

蒙氏時封是山為南嶽上有磨盤嶺卽

參最高者為分水嶺南流入龍江北流入潞江明王

驥討麓川侯璉由大侯川與大軍會皆取道於此山

疾雷隱嶙南山陲猛雨曉霽收層霏舍輿振策不憚疲欲與
僮僕同艱危舉頭巒影高厯屨如蛇之路山腰欹旁伏猩狒
兼猶狸夔魍來往行人稀邇者吏卒初脩治稍闕榛莽刪菑

翳天梯石棧通賊陝三尺一級倅累棊駿馬行此旋倭遲十
步五步鳴酸嘶萬千老樹擁幢摩腔枵腹裂攢秋箔倒者臥
地僵尻脍其根絡石縈縷絲蜜香花發香蕨蕤貼雪一捻紅
胭脂蜜香花如蠟梅貼雪則辛夷之屬也下藜密竹筆筭箴甘蔗葉大楸欄肥
蒼藤翠蔦纏柯枝十里不見行天曦但聞颯沓吹寒颺蠻雲
潑墨春淋漓援公什伯相邀嬉嘯羣連臂聲嘍咿呼烟山鷓
兼子規雜以恹鳥噫吁嘻酸蠻如雨喧迴倚聽此忽覺哀纏
脾雪山天際橫長眉爛漫衆緞兒童隨熨人三兩同蒙俱杉
皮作屋圍槿籬茲山蒙段昔所私封比吳岳金天儀升柴瘞
玉求蕃蠶靈祀蕪沒逃荒基束鹿尚書熊虎姿澤州於此偕
驅馳磨盤之嶺干雲遠曾聞蟻賊麤雄師至今殺氣橫襍鐻
層巔流水分兩岐南龍北潞殊派支五十三參孰詎咨艱難

詰曲頗似之南詢我已窮坤維德雲慈氏真導師河山久識
皆心爲大荒南經奚以悲獨惜此區劃怒夷蒲蠻蒲卡自古
遺坐致瑋麗無人知九州之外良幽奇愧無巨筆磨天磨盤
旋漸下龍江湄又見雪浪翻蛟螭

過龍江鐵索橋

昨過蘭滄森欲墮鐵索千尋顛如簸龍川今到心徘徊下瞰
怒石濺風雷崑崙崙崙前山勢住一線崩流莽迴注傳自春多
不知處龍川江之源從喀木所屬春多嶺南流入滇上亘金繩作飛渡六州鑄錯
噓炎烟鴻鑪鼓燄凌丹天見本行經鍊成鈎鎖通關鍵如援接尾
臨崖懸如蛇蛻骨繞樹纏誰斲石竅深而圓巨靈隻手分經
緯忽屈青冥作平地縮版仍排雁齒斜憑欄未懼蛟涎沸尋
槿度笮寧足豪梯空蕩漾凌奔濤前軒後輦吾豈免見慣不

須愁腳軟

宿橄欖坡竹屋

高黎貢如屏龍江亘其肘南爲橄欖坡居蠻僅八九此山萬
古荒茅茨亦何有截取青蒼質規以安甌瓚縷縷界紋簾條
條約疎柳窄同鳥在彼疎類魚潛蓄用紙繚繞之不藉巧人
手山風日吹撼裂痕互糾紐行人度屋外了了見踵首疑洞
垣一方斯術授誰某夜深展單衾枕簟落星斗夏雨儻淋漓
便擬作土偶隨處等蓮廬我已悟莊叟

抵騰越後寓同年錢觀察黃與郎舍長宵絮語感成

三律

青蛉南下路千層翦韭炊梁有舊朋霜鬢年華經轉戰黃與

從將軍進討緬甸至天生橋而返

月燈宴會憶同升

撫言同年有月燈宴

不須止酒師

元亮卻愧哦詩替右丞

黃與謂予五言今古體多似右丞

話到更殘渾不寐

搥牀彈淚誦春陵

蕭瑟嚴關正勒兵又聞投鉞重專征銀槍分駐烽烟遠

隴川

龍陵皆分駐勁旅

金印新頒壁壘更

中書書瑣賚兩副將軍印至滇

自有臧宮圖遠

畧何須樊噲議橫行

時總兵哈國興等復有取木邦之議

小儒豈習韜鈴術也

試弓刀戛擊鳴

鼓角無聲夜漸分匡牀促坐息勞筋客窗且幸同聽雨子舍

空愁獨望雲鐵索橫橋通急遞

時修龍江鐵索橋君董其事

羽書匝地走

雄軍

奉

自派京城健銳火器兩營及索倫西爽鄂倫春兵並吉林水師成都荆州各駐防兵以次分起前赴永

杜陵憤切成何補蘇息窮檐在使君

黃與勸余小飲言兩年在戎幕中杯杓不輟而眠食

如常飲酒引瘴蓋其說未可憑也乃復和前詩以自

解

生平慕簡文淵靜更閑止肯教陳驚坐投轄重門裏茲來況
避瘴已分謝酒子君言蠻獠區食物無可喜鏡中黃槁顏端
待微醺起既用蠲幽憂兼可葆生理齊物久任天彭殤豈由
已我懷如膏煎一沃斯已矣何妨由糟邱更溯醉鄉溪仍陶

劉伯倫往配鴻漸祀

雲麓漫鈔近鬻茶者陶陸鴻漸像祀之

龍江道中墜馬有作示錢黃與趙雲松

鷄旣鳴矣雲尚黑東風吹雨濕青壁泥融于膠滑于漆殿吏
送馬堵牆如何爲欲逐羣駿趨一躍而上踏泥途緣途很石
紛狂象下偃湍江更千丈中有饑蛟倏來往石間尋丈青蒙
茸聳身直上衽席同無須攜酒勞諸公僕馭爭扶謝神庇我
識山神有深意不作三公忍折臂

再渡潞江

又向蠻江喚短篷久將身世付觀空
天知炎瘴無由著轉與清涼拂面風

重宿龍江稅房

繩橋斜日駐征蹄竹屋茆藩識故蹊
小憩又增三宿戀重來恰便一枝棲
前山雨過江聲急遠峯烟生暮靄齊
猶有吏人相問訊孤燈如豆助炊藜

移居城東李氏宅和淵明韻

一身寄蠻荒何者爲真宅街西僦數椽
頗似鷄棲夕蕭然挂單僧肯爲寢處役
腹疾兼秋霖聊取安甕席移居東門東
幽境異疇昔問疾如文殊妙理端可析

雲嵐間烟堞繞屋無聲詩面城更近市
巷僻誰知之神情忽

散朗病去不可思明知等桑下託宿寧多時滿庭翳花藥素
尚良在茲結居必林泉斯言不我欺

雜咏李氏寓中草木

珍珠蘭

珠蘭本非蘭時俗號魚子空齋風露清幽香宛相擬乃知古
論交同心具微旨所尚臭味諧不取標格似茲花在南吳其
長尺有咫炎陬易敷榮叢條俯臆几離離綴微翠九畹娣姒
耳誰補楚騷詞定可續芳芷

菖蒲

昌陽非小草本爲神仙資蕭然水石間永與塵土辭端如勁
節人義不貪膏脂誰云根一寸頗有凌寒姿我來蠻漢中藥
物何由支日啜薏苡粥聊用扶衰遲寓齋忽見此青蒼照鬚

眉其根皴瘦透愁苦良我師何須十二節服食凌輕颯

竹

濕地饒脩篁如蓬最繁庶脩脩亞牆邊新翠滿行路我衰更
流落病起澹無豫此君真高朋浮筠照巾屨蠻陬無歲寒何
以別貞素地磽笋亦苦餉客難下箸惟餘清節在對我永朝
暮因思蒲褐齋叢叢尚如故應爲報平安含風曉相語

芋

連禪本蜀產寔可供盤飧未作白石粲先有青蓋翻欹斜雜
荷芰零亂穿蘋蘋眼明數莖碧颯颯當前軒瓦溝流新雨竟
夕生微喧蠻方方食貴比屋虛藏困且茹甘蕉子兼劔鳧茈
根似應廣植此庶充老瓦盆

薔薇

薔薇兒女花
花宜傍臺榭
如何背東風
開偏近清夏
有如貧家女
幽獨羞早嫁
嫣然吐紅芳
肯與春榮亞
盈盈梅雨時
冉冉槿籬下
微香不自薦
零落滿橫架
誰丐翠微堂
調鉛寫嬌姹

病起

山浮雲氣入松杉
聽雨空牀側枕函
老矣精真銷燭武
全然病已遇巫咸
芻糗載路傳呼急
寓所近倉聞輶運
激響嚴近新築大墩重三千餘片其子
屈指師期知有日
喚磨長劍製征衫

聞師期定於七月二十日有作

元戎十乘啓行先不俟
邊關掃瘴烟
獵豸自應征六月
鬼方何至克三年
襦旗宜社軍容肅
委火炎風氣候偏
聞說戛鳩

衣帶水羣蠻早穢渡江船先是夏鳩頭目賀丙率猛拱夷官脫猛烏猛來言被緬人執虐願爲

南甸

昨過黃果樹今度曩朱關關門僅尋丈一逕當市闌邊防久
不慎疎畧由治安出關忽浩蕩衆嶺紛嶺岫丙弄聳其北稍

東爲蠻干皆山名南牙鬪雲霧下有奔流寒南牙山甚高延袤百里下有流泉流

爲小刁氏世厥土解宇深而寬往因麓川功宣撫躋崇班山

川豈異昔昔勇今何孱正統八年刁氏以隨征麓川授宣撫司王師振霆電

多士爭桓桓曷不軒猛氣鍛戟隨征鞍

師次干崖甚熱

騰衝陰慘悽六月失煩暑居恒擁毳罽無復事織紵經旬乃
燠乾驕陽氣仍聚兩日更蘊隆燒空劇束炬祝融權久弛臨

秋轉具舉炎光熨甲裳揮汗欲成雨行人下馬坐正值日當
午頭眩目亦眩據地氣如縷遙聞海泊江風濤戛萬鼓執水
往枕流庶洗煎灼苦南荒直熒惑毒淫固其所所憂逼敵蒸
瘴癘困徒旅柳下扇暍人慨然念前古

蓋達

蓋達宜撫司厥壤與緬接初夏曾見之欲語已嗚咽爲言千
載前烟火等都邑禍始自柔兆朱波肆掩襲嗟峨萬仞關竟
使烽烟入兒童被創瘡婦女亦俘繫餘者悉逃亾百戶僅存
十我聞怒債盈背裂髮旋立茲來過其墟蒼蕪遍原隰長湖
空澄泓緬寺半頽壓何時掬磨梳軍書早奏捷平平太平街
街名再使邊黎輯

出銅壁關

八關孰叛建晉江實英雄表延逾千里自西徂南東猛密路

久絕誰復收漢龍存者僅有七銅壁居其中銅壁關為控制蠻暮要道神護

巨石萬仞在其西鐵壁虎踞天馬在其東又東南為漢龍關蓋入猛密之路今已不屬內地八關皆天啓年間巡撫陳用賓所築陳福建晉江人 岬嶢布嶺上鳥道梯寒空磴高泥復滑健馬悲

嘶風出關轉平曠逕稍分窳窿我聞古設險塞阨當要衝一

夫奮長戟萬衆疲仰攻茲何失地利毋乃籌未工抑歷年歲

久改築迷前蹤戍兵結木柵周遮等垣墉芭蕉森十丈灌木

紛龍從長天欲釀雨深谷雲濛濛玉門幾時入回首心憂忡

陽爽河道中有懷升之時升之從經畧由止丹山渡南大金江

出關已黯淡冒雨赴陽爽長途不見天萬古失軒敞陰陰昧

日車慘慘寒林莽氣蒸雲霧滋沮洳漬平壤積潦兼奔泉萬

馬驟來往澆澗成塗泥滑與稀膏仿淺者已數尺其深遂盈

丈木根嵌石齒千萬迴巨蟒豈無追風足一步輒俯仰顛蹶

寧可知攬轡敢用罔偏裨昨督運陳詞苦惚恍前此守備李

河至野牛壩六十餘里深能吏亦束手呼號費錢帑修治竟

何能艱危逾疇曩矧聞止丹高險惡出心想身手媿健兒曷

以恣掉鞅何時度重山平臯忽誅蕩擊楫共橫江含悽訴悵

攘

野牛壩

劫風飄微漚緣空立世界蒼茫坤軸中一卷僅織芥往往枵

然虛吐納應吹鞠茲山更恢奇離列儼擯介桓桓萬貔狉芟

林築營砦夜深刁斗鳴巖巒忽鳴噫宛撞巨石鐘訇轟和梵

唄每有鼓角刁斗聲四山及不知耳目眩坐覺乾坤隘獵鳥

息號吟鬼神走荒怪儼如泗石浮下有六鼈戴我欲拂珊瑚

誰作九牛犢

紅湖

亂山不知名云抵紅湖宿是時不欲陰雲霧變慘黷蝮蛇如
樹長驚人上楓榭怪鳥亦偶嘯其聲雜歌哭奔湍遶澗流徒
旅競飲沐忽催傳羽書屠眉缺明燭就爨吹濕薪濃烟苦眯
目據地揮秃毫淋漓兩三幅字畫亂真行半作蛟龍蹙封成
旋入幕默坐藉草葺我馬忽哀鳴暗地頗不子盡日行山箬
何由覓芻牧艱難忍汝餓分飼出囊粟明晨蹋青泥庶幾力
騰蹴

夜雨

山泉奔如雷夜半捲衽席枕戈本不眠濕痕漬肩脊軍令未
敢喧獨起召徒役不知帳外雨更作飛雹擲谷音合蕭騷地

籟互迸迫月落雲氣昏請祝逃咫尺偶從破鞍坐稍待東方
白未遑收脯精聊用抱圖籍遙想前山泥比舊更增劇征夫
三千名淚與雨泉積

經火焰山下

蠻山號火焰怪異傳兒童垂老乃過之深黑聯箐叢是時積
久雨雲靄彌鴻濛十日匿不見何由覲青穹映人言此地丹
天司祝融其帝赤嫫怒火德常蘊隆炎烟裂坤軸上耀金鴉
紅石棧作寶微剡剡猶騰空毒泉兼熱瘴饋餼填心胸神鬼
尚焦爛矧乃行人蹤茲來幸陰露庇祐叨神王不然等夸父
喝死層林中殘暑尚未淨晴光肇長虹爲念後來者愁歎何
時終

蠻暮雜詩

絕徼踰千里懸軍及二旬
自銅壁關至東谷悉

南沿江平壤炎嶺斷風輪
士報逃亾數人傳瘴癘頻飛書聞

送款消息未曾真

莽莽中秋雨銀蟾定有無
江湖連浩蕩
南大金江在西蠻暮

繞營三面雲霧入模餉
卑濕嗟何及艱危病未蘇不堪重把

酒堅坐守羈孤
時麻使諾君擊仁
穆親以杯酒見餉

物候殊堪怪天時未可憑
日高紅霧漲秋盡火雲蒸
妖慧光

初隱
時有長星于七月下旬
見烏柳間十餘日而滅
長虹氣尚騰雷公真好事
頻夜

試轟輦

下壤成沮洳平臯長稜莞
蚊雷晴撲帳蟻陣曉登盤
荒徼真

堪異殷懷敢自寬
秋蟲噓最苦永夕伴長歎

行李誰能惜塗泥幾日通
儲胥虛稭種隱語託芻蕘
取稻搜

夷壘求金訊使筒椎牛千帳厭絡格見禮記鄭注灑腥風

蠻暮蠻司地荒城有舊蹤屢經思陸據明嘉靖中任思陸自麓川奔此曾入

孟都封蠻暮本屬木邦孟都木邦之別名也沃壤豐稔稻番船聚貝寶印孃今

內徙寥落賸溪農先是土司瑞團奉其母來降入若內地蠻暮土司城遂廢今僅存南來甘立弄種寶

谷數案耳

荒落平蕪遠蒼茫勝概存橫舫通孟養隔岸蒼蒲蠻岡即孟養地擊柝及

官屯傍嶺通軍火瀕江啓壁門後期催未至薄險與誰論

榮馬萬山秋梯雲指戛鳩熊罷開絕徑提督哈國興率衆先行蛟鰲避

橫舟聞經畧已渡南大金江雨久旌旗暗泥深饋餉愁和門仍執訊未

覺損前籌

薄伐追前代樓船下瀨多夾江三路進時議戛鳩西路兵由猛拱收猛養鳩緬西

境東路兵取猛密掠緬東順水一帆過形勝懷沙垠明史王驥造舟

于沙 圖經考阿禾 元人由阿禾阿昔 造舟工作急督運敢蹉

陀騰越州龍江路江皆流入緬境然難以通舟惟大金江其

少木弗能造船且四五月間瘴癘方盛人不可居乃伐野牛

根之木為舡旋賦楫首備至是令兵士運至蠻暮使工人合

成之下蠻暮江以達於大金江

未具艤臙艦先徵組練兵飛騰經粵嶠絡繹過 神京 先是

選吉林水師一千福建水師二千赴滇備用 浮鼻風濤慣湛身性命輕水犀真勇

決端可制奔鯨

再選川黔騎兼程楚粵材 三十二年川黔楚粵選擇馬匹運

送滇省至是復令四川購馬八千 匹貴州購馬六千四百餘匹湖廣購馬一萬七百

積雲錦遍山開入淖誰能出鳴瘡迴自哀駑駘存幾輩珍惜

等龍媒

磊落征南帥風雲動指麾名仍當右担責已任全師忠盡神

明鑿憂勞將佐知生平表餌術盤錯未曾施

謂副將軍廣庭先生

伏莽游氛亟前茅斥堠長未能擒任豹差喜獲餘皇

八月二十八日

偵者知賊弄船來率兵密掩之殺二人餘赴水竄去獲船以歸

秋霽弓刀健宵清鼓角揚頗

聞驅雜種捧土固隄防

小枝陳作材來報緬人調燹夷波屯一二千人在老官屯駐守又野人頭

目早樓稱蠻老廿立諸岩焚夷俱為蠻暮頭目賀倒脅去守滾弄孟夏各寨

本是侏僂俗真成魍魅居圍腰網布密貫耳野花疎設奔驅

狂象排籤掩懦魚

夷人謂美為儒言魚味美也

聞風和震警先後獻芳蔬

古刺高里諸野人皆以蔬果來獻

羽檄流星急軍書刻晷題生涯催白髮道路怯青泥日久軍

容壯

自九月初雨霽後各隊兵漸集

秋高馬力齊明晨移壁壘更指大江西

時將進屯新街

再過香楠林中

畫栢萬本遠叢叢雨過初晴日色煥行過一程聞不斷染香
人在綠雲中

千軍萬竈作勞薪早爨還聞玉桂辛知是山靈終愛寶不教
編棧下通津

寄門人蔣檢討舜游

鳴鹿

北望羊苴畔經時信使疎烽烟初告警瘴癘未全除雨積空
江漲田蕪列砦虛艱危誰見憶莫忘十行書

重九

興安嶺上作重九雪打鬚眉大於手風毛雨血快行圍笑指
黃熊銜箭走怒飛萬里真奚爲昔依北斗今南斗重逢九日
到蠻谿寒暑分司竟何有是時初霽金鷗張戎旗似火洪鑪
揚飛蠅接翅晝障案怒蛇奮尾宵蟠牀武溪毒淫真是閔一

望金沙波泯泯征夫不忍說登高憶度危崖幾艱窘官屯隱
約重雲遮尅期進屯臨江涯畫楠黃果千萬本無從小摘思
黃花昨嫌蠻酒辛而刻一醉於今安可得被祥豈用佩茱萸
瘴雲殺氣漫空黑

猛暮道中

薄雲泥塗淨荒叢逕路微灘回奔萬弩樹古漲千圍兵氣浮
殘壘軍鋒指大旂游氛知漸避斥堠報書稀

西帕河邊叢竹數十里

忽見千竿竹何嘗萬畝寬臨溪晴更潤罨畫長寒歲久苔
花遍秋深粉籜殘夕陽回駐馬眞作翠雲看

渡南大金江

乘流更狎水犀軍指顧秋濤接海濱島嶼箬深藏喉火

江中島長

四五里上育寮 弄孟異二岩 江湖波合漲 蠻雲蠻幕江南來湖皆紅湖驛

路沿流近蒼浦 烟嵐隔岸分 爲問建領形 勝在何時飛渡策

奇勳

荆襄曾記挂 颿過又向蠻 江湖逝波秋 老沙田鳴鶴 鶴風高

雪浪駕龍鼉 連雲殺氣居 人少下瀨軍 烽列龍多水師禁舟

巖者率于擊楫橫戈 追往事靖南 碑刻定重磨明史王驥造

岸旁穴龍與任思陸約立石表誓江 上曰石廟江枯爾乃得渡

再渡南大金江卽事

南荒經南空未鑿 誰考江源溯 白霍蠻暮南來 大展拓斷岸

長天莽寥廓何爲 衝風振長薄 不見軒然大波 作野田秋鶴

長于人盤雲忽落 呼其羣大魚 躍水蒼無鱗 丙穴石首非其

倫小船三人繫薄 羸時與阿制府補堂思數尺斜陽射林羅

哈諾廉使肇仁同渡

殺氣如山蔽空墮激電一聲飛激火

阿副將軍 里表 輓詩

上公威望壓朱波

衛甸頭日以書求款者必致公麾下

近領樓船已臥病

公久病瘡

登舟益劇

溫嶠登舟心尚壯文淵鑿室病難瘥三號何處從升屋

時卒舟大

五夜空聞喚渡河除道梁溘人不覺冬雷聲激怒濤

多 是夕雷雨

昨傳星象隕瑤樞

公次猛拱夜有大星隕于西方越月餘公卒

北落光芒定有無其

悼背瘡亾下壺最憐視含有荀吳

謂公子豐景額

上方祕器

君

恩遠下水危檣士氣孤此地年來多戰鬼雲旂來往眾靈趨

送升之回騰越

前生出家人一念逐仕宦天將警其貪遂使歷憂患家鄉在

勾吳骨肉隔京縣炎暍瘴癘蒸軍壘烽烟亂艱危有萬端經

歲閱已偏差幸聞道早生死齊夢幻礮聲夜盤空過枕了不
眩誰知今送君老淚轉飄泣與君共羈孤哀鳴等連鴈相依
萍偶聚相別主屢頻騰衝雖瀕邊烟螺映林館藥餌足自醫
水土況平善裸夷尚未誅安能定謀面緣江柵若堅排日事
攻戰他時儻死綏馬草本非戀隨地有青山荷鍤最稱使君
其賦禮魂荔蕉薦几案披髮下大荒一笑激奔電

卽事次升之韻

料量劍箠與弓檠時向蒲甘問去程解帶擬陳攻壘具張帆
頻望下江兵負嶠賊已同狼顧穴地人方等蝨行仰首憑誰
占秦壹陣雲如墨壓山橫

再次前韻

身如三尺倚牆檠瓠落難期匠石程束縵自維喧壓馬饋漿

親問裏創兵瘴烟入夜緣壕起礮石凌風傍帳行刁斗聲中
心欲折憂時頻按劍鐔橫

別升之後有懷三次前韻

昨宵絮語對燈檠忽送歸人又一程揮袂便辭磨盾侶望關
恰趁運糧兵早當戶牖頗憂伏莽今與肩輿最喜獠奴便昇
者皆南甸手劍先看驛吏行經畧令驛人永夜相思如念我
蓋達夔夷水雲深處大江橫

四次前韻

遮眼文書對鐵檠幕中功籍幾時程督郵屢調三關卒先是
傳於銅壁既至新街移調鐵壁今以劇壘同催兩鎮兵時開
老官屯距虎踞關最近復令移設圍向箐林深化鎮
總兵承平為鎗所傷鶴鹿鎮總兵德福陣亡
營兵皆歸楚執鎮于文煥昭通鎮馬處管轄處合人從矢石隙中行同仇志切真堪痛往歲秋原骨尚橫

寄升之五次前韻

燕盡松明當短檠何時馬首指歸程聞雞起舞朝催戰門轟
雄談夜論兵師老難期旬日下年衰羞逐衆人行杜詩老逐衆人行
羨君歸憩蕭閑甚藥裹書籤自在橫

升之夢作宮詞詞旨深婉六次前韻以足其意

經年挑盡兩窗檠路隔昭陽又幾程敢望樊姬能諫穢尚期
鄧曼善論兵黃金誰賦長門怨青冢頻愁絕塞行猶有當熊
心事在臨風未肯臉波橫

入虎踞關

一戰聲先奪重圍武更揚攻心能震盪喪膽敢併張乞命詞
尤屈尋盟誓不忘錦袍排十四緬甸頭目十四人出寨議降拱手話來王
炎微烽烟靜窮邊景象新聚觀連婦孺列肆雜夷民納費軍

威振垂囊士氣馴饒歌傳凱樂正及一陽春

時值冬至

銅壁高猶在金江望已沈未成磨劍志尚愜柔繻心鶴鶴迴
行列鳴鴉識好音成人迎候遠旌旆滿林岑

過太平坡

霜華薄薄上疎襟鳥語猿嘯竝好音木棧紫迴連石棧松林
迢遞接杉林請纓差遂平生志負米偏愁歲暮心喜見太平
真有象蔬畦稻廩徧高岑

回至隴川與黃與夜話七用前韻

竹屋仍挑聽雨聲生還辛苦算郵程敬容猶肯畱殘客

皆先後寓此

宣武真拚作老兵日晚黃茆蒸霧起風高青燐隔江

行撞胸舊事悲重訴歎息宵看斗柄橫

送黃與還駐隴川八用前韻

離堂重翦一宵繁去住忽忽又異程轉餉尚監搜粟尉擁旄
仍護駐關兵時以虎踞關駐兵未撤且弄燕春燈臘酒誰人
伴霜驛風郵信馬行想見小梁河畔路梅花如雪隔林橫

抵騰越後寄同里邵珏廷珏高士伯景光兩貢生

玉關生入卸戎衣回望吳淞萬里遠櫻筍鄉中殘夢在枌榆
社裏舊遊稀輕帆五兩青油舫矮屋三間白版扉擬向西枝
尋小隱煩君重置釣魚磯

騰越寓舍九用前韻

挂壁弓衣已卸檠空將南北憶行程呼鷹玉塞秋圍獵立馬
金江曉勒兵塵劫何堪燈下話家鄉只許夢中行飄零蒲柳
年年甚莫怪霜花著鬢橫

再過升庵先生故居

茹屋三間護槿籬重來駐馬謁荒祠風流軼事傳金齒諫疏
高名動玉墀花下題詩諸伎乞雪中酌酒故人思南行卻羨
君猶近未到蘭鳩浴象池

南大金江東岸有湖一泓夷人云是羣象浴處

臘月十七日傳經畧阿副將軍前制府補堂暨參佐
諸君合樂置酒酒罷奉呈副將軍

池曲晴暉傍檻明笙歌叢裏列羣英徒誇邱仲工吹笛誰是
桓伊善撫箏入坐風霜催歲暮當筵鐘鼓樂時清祝公借箸
休三嘆閭左齊聞快息兵

送孫侍讀補山

士毅

十行 詔下赦封豨奏凱仍看振 國威頒賞敢思歌杖杜
還家差免歎蚍蜉蠹裳照路隨黃閣玉佩分行入紫微

時與對鴻

隨德引秉恬

隨朝多少沙蟲爾徼外知君南望更歔歔

全經畧還

副將軍既振旅回永昌時屆歲除官齋尊酒追溯用
兵顯末述事抒情輒成聯句八十韻

詔撤三年戌升人依萬里城受降唐節度甫振旅漢營平尚

藉邊籌遠升旋逢歲箭更星霜回暮節德烽火息嚴程蓉幕

叨陪侍升椒盤快合并紀勲詞磊落甫感事意迴縈在昔承

恩命升於茲習義征重邀 王母福甫益勵丈人

貞公初受命督師啓行時請 皇太后宮請

禹吉安賞資甚渥並傳 諭所賜青瓶如意皆

識云穴竄將窮鼠升波翻未剪鯨先聞傾鼎餽甫繼悼結冠

纓倉猝殲于遂升消搖散在彭以上敘揚制府應琚貽誤軍

竝錫箔江木事改弦軍政肅甫挾纊士心傾戎畧書詩裕升儲

胥竹木羸習勞曾運璧甫肄武亦開棚分埒騰騶路升排困

積稔杭威真敷絕徼甫念愈軫疲氓勢可乘因壘升功偏待

秉衡

以上敘繼畧赴澳統師進討凡取道
諷期副將軍皆悉心籌議往復再三

儀容諸將懾德甫號

令一軍驚借箸師中協升飛符闔外行周咨常旁午德甫祕算

必先庚吉日應徐卜升凶門詎急爭深燈輸悃愾德甫側席費

論評薪恐難移突升基虞易下杵終朝惟仰屋德甫前路遠揚

旌萬仞嚴關峙時副將軍由銅壁關前駐野牛埔督造戰艦
而經畧由萬仞關渡南大金江收撫猛拱以

通西路千重駭浪橫蠻雲凝作嶂德甫淫雨積為坑振策經途

速升浮查問渡輕幸牽巾幘戀德甫得使柳輿迎猛拱土司渾
覺先已逃匿

因禁其小妻送率勇決空羣醜升平安屬使伴遠期姬且烏

夷衆詣軍門降甫來就亞夫營時副將軍已進駐新街屢遣夷人
問道資書與經畧大軍約期會合此地雙江

拒蠻江自東來灘于南大金江斜對維公隻手撐夾鈇親

戮斃川人蘇明燦段世瑞來往插羽亟徵兵削梯高檣

蓋升鎔金巨礮轟何須燃斷鎖德甫絕勝渡浮罌乘扁馳溫嶠

時遣伊將軍西升之揚麾學顧榮制府東西連玉帳德水陸應

銅鉦會合歡初涉升飛騰氣已盈非緣欺小敵德直與奪先

聲姑蔑收空壁升餘皇徒斷濱狼囚斯就縛德禽逸乃遭押

十月十日新街水戰擊收賊兵獲其舟並風陣催帆飽升霜

稜淬劍瑩官屯趨浩蕩德賊柵列崢嶸以下敘進駐老官

轍螭宜捕升藏嶋虎莫撓越蛙徒自式德前衛鶴那堪令忠藎

通神鬼升恩勤邁父兄有言皆激奮德無物不抒誠瘴癘寒

猶熾升瘡痍力轉勅鎗烟摧拉雜德機石擊鏗旬執銳兼持

燧升臨衝競挽鞬梯危懸碧漢德隧曲穴青坪俘卒聯檄纒

之升逋夷驗刺黥時舟師生獲十餘賊并有自寨逃出來下游

援漸絕德中夜謀頰偵裹血方酣戰升炊骸遂乞盟老官屯

久舟師又斷其南來救援賊寨垂破而德卑辭函饋貝德市吉語

應占贊

副將軍赴滇時途中遇善者

時值文淵病之

欽諸葛名

時經畧勉病緬人來乞

至誠孚裸勇

大議洽豪

英表餌幾全握

之韜鈴術盡屏盤根衷獨苦

前省括計彌精

待振虞階舞

之微調傅相藝旋師符

救諭

前請命為娶

俾

軍中方受降而中

納款求陳幣

之攄忱謝宰牲權呼喧

爨

甫感泣遍柴荆臘後蛩催織

不絕

春前犢試

耕稜看消在矢

甫瑞定表華萃遠譯風諧律

古謂東風入律

旬貢使將至

故云 升之 新郊雪散霏

滇中少雪而連朝四山積素

朝

天歸上輔

甫計日近元正

經畧于嘉平十九

之 珣弓罷繫檠薦辛挑細菜

甫透甲壁香橙泥飲蛆浮瓮

徵歌鴈語爭燕私蒙款款

甫鴻論劇觥觥鳥本期頭白

還念尾頰仲宣仍逆旅

甫元叔剩餘生夢寐嗟相對

忍其明追思從袴褶德誓欲掃機槍匪尚犁庭績升終酬攬

轡情居恒時若厲德履險道能亨偉節強哉矯升嘉謨展也

成畫圖垂紫閣德譽望溢丹瀛猷壯推方叔升知深荷晏嬰

願從元白後德驃樂載同賡補進其樂部元微之自樂天皆

有詩紀事
升之

除夕和蘇文忠公韻八首

冰檠擘黃果翠釜羞青蒿謂將一夕樂稍慰終年勞年增年

正減衰謝安能逃終媿狂接輿卻曲煎明膏除夕無可除騎

愁亂如毛塊然聊取醉負此長檠高

憶我童中初膝下最耐適每逢歲云暮狂走覓梨栗憐我任

取攜飽食不須乞如夢四十年舊事半遺逸老親寓京華守

此懸罄室況復悲孤兒荷戈萬里出今宵對酒樽一笑未可

必

地爐松火溫微紅照燈背隱隱鐘初鳴迢迢夜未艾春歸雖

尚遲明年正月九日始立春已與東風會回憶從軍時死生付大塊豈

僅如杜陵崎嶇走劍外乘墉親矢石踰嶺冒叢薈艱難苦戰

餘卒歲身仍在敢遽慕步兵寒江問鱸膾

先人最伉直斗符豈屑數手書百世師先君採屈子以下至史闕部可法共一百

二十人為百世師錄鑿楹示遺語小兒楊德祖大兒孔文舉精心辨邪

正刻畫分脈縷昂我雨齒牙名教在措拄今我等枯蓬年年

走風雨文章既馨悅才量亦筐筥所冀邊塞安九穀賤如土

耿耿憂世心九原儻應許

荆蠻古要服驃國尤遐荒幸逢威德播贊幣來相望醜徒

今內向殺氣迴穹蒼邊防亦布置普洱連永昌庶幾補牢善

豈用嗟以羊寄言緝牧園辛螿期毋忘

我生如田仲巨瓠不容斷與世頗螿牙其故坐愚慙行年四
十六壯歲等風電鳧鶴各短長衰晚豈能學宵分更酒悲方
寸起五嶽獨慚任道力遠遜園人犖偶欲破觚圓撫躬輒形
渥決榮謝干時何庸叩牛角

鉤山湖畔路疎柳三家村自從掩蕙帳薛荔頽牆垣傳聞屋
後竹遍地穿龍孫屢思刺一權雪夜歸柴門老成雖淪喪頗
有親串存探春搗蠟屐卜夜開盤殮旋京尚未卜此意同誰
論桑弧射菟首何日師劉昆

去冬逢舊雨留我娛殘年官衙夜置酒不用青銅錢誰知鳴

陰鶴分飛隔吳田

往歲除夕在馮泰占畧中
今泰占以內艱歸嘉興矣

所幸踐戎幕仍

得栖寒氈驅愁供一醉賴此杯中賢醉計歸時路寒食紛秋

千約計明春三月
可以北還故云

春融堂集卷十二

青浦 王昶 德甫

勞歌集 庚寅

由杉木和赴花橋作

亂山迴合無路通濃雲斷靄含空濛初陽一痕照溪曲忽見
候館依巖東新年野逕少人迹戍旗影出林梢紅昨聞松颺
振颯沓更愛竹雪分玲瓏始知瀾滄五更雨已化玉屑來天
宮念我經時涉炎徼要使毒瘴春來空深知清寒沁肺腑何
啻香水湔心曾月光三昧夙所習流浪豈免塵埃蒙稽首山
神藐姑射覩此絕景誰能逢幽禽喚客琴筑同下應碧礪泉
琤琮明晨更躋博南去橫眺西嶽摩高穹

點蒼蒙氏
封爲西嶽

威寧哨道中

西嶺尙漏斜陽明東巖忽吹雨脚橫白雲堆中黑雲起頃刻
下覆松梢平我與雨師緣已熟巒嵒經秋泥沒足先春三日
弄晴暉初上征鞵飛霖霖稍欣碧澗夏琳琅誰識山靈意更
長爲憐羈客風塵減畧與梅花助洗妝

博觀察晰齋明至永昌攜樽酒歌伶見過有作

雋唐雲樹渺天涯細柳軍中過使車月底歌仍傳北里燈前

酒已喚西家論交共憶三條燭君丁卯孝廉出阿文勤公門下卜歲還占六

出花前夜猶話石渠故事在紉書簪筆傍官鴉

昆明上元

燈輪仍共月輪新走馬香街不動塵箏板參差三閣曲滇池曲調

往往與白下相同蓋沐英就國時多挾南直隸人以去故也煙花縈繞五華春營收白羽

初裝甲盤簇青絲恰薦辛莫怪銜杯頻悵望兩番元夕一鬚

八

題升庵先生小像

去歲過先生舊居為詩志感今將北還晰齋先寓書

太和令屠君可堂

述瀟

令攜點蒼山感通寺中所藏

遺像至龍尾關索余題句因復成一律連前作三首

併書於左方庶表生平辦香之願云花朝後三日

寫韻樓高瞰洱河生平玉貌未消磨中朝仕宦羞張桂北地

詩章敵李何才子相門前代少詞臣驛迹異方多

省城碧燒精舍及承

昌明詩臺大理寫韻樓皆先生棲息處

畫圖合挂靈均廟添取幽篁帶女蘿

昆明容舍地主招尋置酒連宵偶成絕句不自知其

振觸也

小閣頻開翡翠屏兩牀絲竹響零星傷懷最是王長史月落

燈殘掩淚聽

春江哀鴈久離羣
玉椀金釵隔世分
又是棠梨寒食近
東阡腸斷魏城君

小小朝雲足斷魂
六如亭下近黃昏
傷心一念償前債
東城句多少春衫染淚痕

滇池春漲浣征衣
京國分明萬里違
誰識燕山亭下路
有人和淚寄當歸

繞梁絕似囀春鶯
裊裊楊絲跪地輕
錯認生依神女廟
屋梁初日是芳名
楊郎名選

春風一曲按紅牙
羅襪生成衆口誇
問姓已堪金屋貯
徵名更合刻茗華
陳郎名玉

吳頭楚尾可憐生
羈客幽懷未忍明
只有江城小龍女
也知

淚眼不曾晴

杜郎名龍

一串歌珠伴綠樽
不曾真个也銷魂
陸天錫句
而今夜雨相思處
只向春衫驗酒痕

宿世生來六欲天
陰陽執手亦前緣
誰知久證香嚴觀
一笑人間十種仙

落拓江湖是牧之
舞裊歌管寄愁思
縱教書記平安在
不奈燈檠照鬢絲

十隊紅妝勸酒巵
纖娘媚子總芳時
如塵如夢兼如幻
合把風情付偃師

明撫軍

德

招游近華浦

近山不知山漠漠
重雲掩天公未放晴
兩脚滿湖曉清游
纔出郭已望蒲帆
颭稍開春陰濃
遂見初日閃野船
銜尾行歌

聲隔葭菼小泊登迴碕平蕪綠如毯空堂暑澄碧對樹盡遙
覽此浦接溟池柔波寫澄澹錫名等西湖嘉景詎能貶錢塘
與歷下兩者吾所嫌茲來悅昔游况有深杯醕獨愁馬首東
欲別竟先感不及趁薰風來看千菡萏

浦又名西湖夏
日荷花最盛

黑龍潭

陸山城西隅環抱氣清肅出泉匯爲潭云是羣龍族升雲兼
噓霧習網誰敢觸貝闕騰文魚演衍托卵育堂堂萬千頭煦
沫互沿泐我游等濠梁憑檻送遠目蘋絲合樹影零亂湛深
綠道人雖非魚魚樂在所熟牢丸與薄夜隨手散溪隩掉尾
忽駢趨跳波競相逐大魚獨含靈背有金紋威倔強未卽前
似知貪餌毒偶來一朵頤豈肯計果腹我聞聖王世必重四
靈畜非徒表禎祥實可通嗜欲不知此泉源羣鱗誰服屬昨

者麥初收駛雨尙未沃中丞方步禱排闥奏丹籙會須鞭虺
蛇爲我降僂濕

龍泉觀

觀祀劉真人淵然與其徒邵以正及羣真像淵然南
宗明洪武間賜號長春真人旁有商輅陳循二碑具
述真人寵遇始末甚備

禪宗判北道家亦如之偉哉七真教遠暨西南陞長春本
上仙墮謫生却濰淵源在孫馬守一蓋神奇流沙三萬里往
作帝者師窮荒角端見去殺不復疑其徒守末法猶能役雲
霓竭來造精舍花藥涵芳滋香煙映遺像逸氣浮階墀方瞳
冰玉顏定是雲水姿翛然超物外珪冕何由淄可堪修廊下
龜石刊文詞鋪張敘世寵詎免眞靈隘門前有頃潭蛟龍夜

蟻蛄想見馭風兩來往三山崖古梅五百秋亦與長生期惜
逢春已暮不值花萎蕤森森兩翠栢根脈含清漪何當採其
實服食同隱芝

觀前梅二相四皆四五
百年物旁有流泉繞之

鳴鳳山太和宮

朱鳥南交地偏崇北極祠虛危昭法象元武動旌旗袞冕威
靈壯風雷陟降遲松林環翠外金碧耀翠厓

宮係巡撫陳用
寶建鑄銅為殿

簾幙几案皆以銅為
之殿右有環翠宮

優曇花為阿廣庭先生賦

年來苦被世味醺交梨火聚何由陳南行萬里飽憂患思借
鼻觀祛塵氛海榴未開婪尾謝忽見數朵揚清芬是非曼陀
非薝蔔曰優鉢曇經所云色如帝青石鉢淨臭比牛首梅檀
熏一枝非從瞿夷乞十笏疑向維摩分人間囊子豈可致來

自印度西南垠竹林精舍柰苑裏想像清蔭依迦文梵天朝
露鸞嶺雨德水夜潤恒河濱何年移根植滇海蠻奴契長驚
芬葢相傳一開闕千載肯與俗豔娛凡羣膽瓶攜來尙未坼
已奪篤耨兼蘭薰空庭入夜更幽澹逆風自足驅腥葷先生
夙世本龍象蹴踏香海蒸香雲邇來清齋日宴坐楞嚴經宴
晦清齋香
氣寂然來入鼻中坐令藕孔窮魔軍奇葩此時恰示現正似阿閼開
彤雲桃花飯熟可啟悟木樨秋靜堪同聞何況茲花世希有
木樨作種含網緝巴波遺迹儼重見南詔皮盛羅時僧善提
巴波自天竺來以所攜
念珠分種之成優曇花樹
舊在土主廟中者今枯辦能紀閨絲纏紋嗟我過去差一
念瘴鄉流浪違榆粉俱締羅教夙所欣對此差解憂心焚誓
依蓮幢破結習敢逐柳絮滋紛紜拈花儻許更放下不妨微
笑娛朝燠

曉行

南榮夜雷曉猶懸正是春餘穀雨天紺塢遠銜雙嶺樹翠屏
橫巨半湖煙香風梵明緣空度松逕茅茨到處連將屆靈山
風景近薄寒吹鬢更儵然

將往雞足山禮大迦葉自雲南驛前抵梁王山宿途
中卽景成篇畧無詮次

肩輿晚過雲南驛欲向空山覓靈迹問途却指古城東繞郭
民居莽蕭索鳥道千盤落照黃螺峯一角晴嵐碧亞簷檉柳
縷初稊依戶欂桃花半坼嶺覆童童似蓋松塍鋪刻刻纔生
麥豆莢斑時子未成萊蕪肥處花堪摘樵邏雲濃暝色低溪
村人靜汎泉激紛紛鳥誰噪柴荆稍稍麝麋阡陌遙聞春
杵響煙中漸有機燈出林隙月暗偏增野路紆風生偶覺清

寒迫夙世因緣在此行多生誓願知難釋西竺伽黎應尙存
南華香火將安適獨往欣看叩道師孤蹤久分同禪客田衣
筇杖劇蕭閒襪被腰包稱遷謫避席猶煩野老驚掃門重累
候人逆小窗蔬食一迥然盥罷趺跏便終夕

賓川驛館曉行

羣山蒼翠驛樓西已換籃輿更杖藜風轉遊陵隨梵唱花殘
優鉢和香泥山家蕙圃兼蘭圃精舍桃蹊又柳蹊兜率應知
同此勝願從華首問伽黎

渡盒子孔橋

本名雪陰橋

蘚逕蘿蹊次第尋春山亭午尙微陰石橋三折通孤嶼雲瀑
千重下遠林結侶苦無支許伴遠游真愜向禽心過河更喜
香宮近纔聽鐘音又梵音

自石淙寺至華首門禮大迦葉並游悉壇諸寺讚佛
頌

覺海本圓明緣空世界設金輪妙合凝河嶽迺分列域外四
名山雞足居其一假彼五德名喻此雙距植雖非須彌倫實
與靈鷲匹我讀放光部梵筴記詳悉葉榆古未通故不具典
籍點蒼東蜿蜒高黎南崩劣金沙繞其西洱海帶其北福地
與洞天培塿叨蹇劣是爲靈奧區羣真共棲息考摩訶迦葉
夙世由金師相與婆陁女發願成菩提經九十一劫紫色光
容儀最後皈瞿曇苦行頭陀持正法得眼藏不在文字爲大
哉涅槃心別傳曠能知一笑且放下天花落蕤鬘金棺忽上
湧入滅哀歔歔更惟阿逸多次應補佛位授汝金伽黎以俟
慈氏至法寶交手付用以表信智因慶喜多聞未到三摩地

屬其聞思修超然世出世演說恒河沙結習俱已既爰相四
部中勝地冠南暨湛然入大定終古巖扉閉伊子愧擣昧夙
稟煙霞心壯歲登仕版風塵長駸駸巨嶽徑其麓徒然歷崎
嶽官程歌鞅掌名勝遲登臨況此狎柯隔豈違果幽尋今從
典午職遙抵蘭滄潯裸夷昨納款仲夏行獻琛上舒格鬪苦
下免瘴厲侵 皇威懣溷土兵氣消蒼黔是皆慈力被瞻禮
情彌深東皇正司權和暄洽芳甸分途從普泐頗覺風雲變
迴環屈賓川羣峯已惹禱阡術互橫斜村墟類隱現杉楸蔽
重崖藤蘿翳虛磻本無豺虎藏偶見麕麕竄靜室及茅蓬迨
遞從空獻輿梁躡雪陰兩河遞洄漩厓垠顯豁衍牝穴暗輸
灌漾波出鯨鱉穿沙簇葭葦谿迫仰華構突兀扁石淙志作鐘
樓臺煥金碧儀象森青紅招邀憩精舍無語契圓通鹿苑自

岑寂幽景彌沖融更移賓榻坐長明照簾櫳宵分聞刁騷天
籟鳴虛空疑是春雨急開軒月朦朧乃知奔溜壯戛響兼杉
松清寒不能寐趺跏待晨鐘虬箭尙丁丁法鼓旋逢逢喃喃
禪誦啟浩浩潮音同闍黎願前導爲我開蒙茸朝霞亦漸明
灑露尙未已籃輿併笻笠彳亍層巖裏初摩詩石臺再歷崎
人址謂楊補洞奇迹盡堪詫往事屢屈指延緣迦葉堂規模最雄
偉幡幢耀窠榻杳恩映階庀想見妙莊嚴合與天宮比北望
敞晴窗屏展崇霄峙祖庭在其間迴向並胡跪手足互騰奮
耳目駭聽視蘭陀鬱崔嵬銅瓦轉迤邐將從狻猊升危梯斷
徒倚四峯觀峒峒盤旋到金頂浩蕩入鴻濛清空絕溟滓山
深高更寒寺古堅而整積雪春未消斑駁漬苔鼎雲路近九
重煙光納萬頃遠眺月竈西雪山露微景縹緲黃金塔目力

無由騁至此塵根窮一氣化孤迥再仰華首門萬仞頽搢珽
誰倩巨靈掌剜出雙扉並棖闌儼分明榱桷極嚴靚上臨觀
自在石像出形影下爲受記泉滴瀝蓄清洞方祈作道場工
巧神鬼逞是惟梅咀利說法兜率天修習唯心識遇實俱成
圓恒闕內外院三災何絲綠香雲華鬘雲樓閣重重懸天龍
八部等合沓歸陶甄妙因得未曾果位昭絃絃蕊荔告靈應
法力殊無邊西南五天竺萬里窮坤孺僧號宗喀巴調御教
所沿班禪偕達賴其徒各萬千是爲大寶王供養陳嘉筵自
然盤陀石寬博百丈平如矢復如砥絕少蒼蕪纏黃帽駢繭
至膜拜昭精虔醍醐雜酥酪鐵鼓參鈴絃旋繞亦跳舞每歲
期無愆如是不思議廣大更圓滿聞言還作禮徐退復游衍
日斜窳堵波歸禽漸催晚微步至華嚴香廚飽一飯齏鹽倒

瓶盃筍蕨釘盤椀嵐翠欲霑衣壇燈忽照眼賈勇過悉壇雄
傑推首選松龕圖發身十光五采散依然三十二好相映丹
巘裴裒不忍去聞鐘乃思返鬢髮雀母飛傀儡獅王偃煙暝
鬣哀猿塢深嗾獐犬發願何寺僧經聲遠可辨天空星河希
夜久香絲斷曉陟藏經樓飛欄對峯嶽三藏十二部迦文聖
教作罡風偶震盪大地響鈴鐸初枕次第登經廚煥丹蘄或
爲世主請或令羣生學時地閒不同妙義並展拓試諷陀羅
尼藕孔修羅愕龍樹得其詳鳩摩志其畧元奘之所搜澄觀
之所約華藏清淨海般若恣包絡繙譯起魏晉唐宋更宏博
蠻荒萬里陬高僧乃棲託旁行四句書十年共槃礴時時散
天花往往奏天樂功德豈可思此游彌踴躍老僧謂余言茲
山踰華岱峯崖三十九泉洞數幾倍寺觀百有餘祠廟不勝

載水石闕玲瓏花藥盡罨蕩優曇亞崇壇梅檀徧溪瀨鼠姑
黃叢叢虎蘭雪蔚蔚芭苴大於門枿欄長似旃青篋抱數圍
黃圍巨方罍杜鵑十丈纒寶相千重挂緇巒唵念佛迦陵亦
搖曳潭深赤鯁浮嶺峻碧雞會團茅六十秋猶未悉梗概官
程太忽忙勢難徧津逮矯首入定處煙巒橫緩豔清馨出迴
颺迢迢醒塵界林杪銀河翻數道各澎湃瑤琤諸瀾流送我
奏清籟回途抵牛井傳舍除埃氛挑燈讀山志開士手所掄
錢邦藝文暨古蹟幽渺搜殊珍當與霞客記志乘爭紛綸乃
識造化蘊難以尋常論五臺妙吉祥炎夏冰霜屯普陀面歸
墟晏坐翻鯨鯢義眉大因力光耀西南垠及此成四大允爲
十方尊作詩和梵唄一滴滄海分書罷翰音唱金鴉翥朝暾

傳衣寺

禪房前山泉一股就地迸出高丈餘旁有冬青全葦其上皆成珠樹扁曰篆煙泉

豈有颯輪扇九淵六時騰湧散
偷傳當空懸珠爲顆直上
亭亭篆化煙月照玲瓏千尺雪
風迴露濕百重泉知從地軸
還銀漢長潤花宮玉樹顛

赴永昌道中次阿廣庭先生韻

不待言愁已欲愁吟懷寥落句難搜
稍欣細雨添秧水偶愛
涼風報麥秋實塞軍須猶未息
緣邊民莫尙應求蠻村畧與
江村似叱犢聲中語栗留

宿合江段氏樓四絕

透牆襲薛亂楓櫛窄牖危梯倦掃除
絕似紅洲蠻峩裏竹房
秋夜雨聲疎

合江如玦復如環濺濺跳珠下遠灘
更和雨聲來枕上夢魂
那得到長安

往來七度關山程伏雨關風馬倦行寄語南樓絃誦士澤車

款段足生平

段氏兄弟父子皆博士弟子也

一燈明滅隱衡茅羈客如僧剩打包腸斷當年逢短至蕭鄉

罐火侍

龍宿歲

時距夏至六日矣正前北郊時也

復至騰越示黃與

昔別歎萬里再聚欣經年滇池復抗手後晤真茫然豈知更
一笑棲託來窮邊有如五緯星變段行長天疾留與伏見偶
爾同瑤躔所願光皎皎不逐塵霧遷君類房次律頗悟前生
緣我比邢和璞物外空周旋非仕非寓公來往隨我旃小泊
安石渚相依良所便宵來半窗雨松竹鳴山泉從茲頻翦燭
呼酒除勞悃

重過大樹園

去年經畧居此

銀杏四五本翠竹千萬竿綠陰不見日蕭颯生微寒昔邪上
几榻瓜苦敦門闌當時草檄處今誰駐征鞍園丁占隙地架
木成枿藥見客如驚鹿款語意稍安何人得似此婦稚終團
圓文淵病難起定遠生未還廢興等一瞬涕淚留餘潛

次升之韻

角巾東路更何時旅夜虛窗翦燭遲薄宦敢論如士燮安禪
端合叩楊岐人同石鷄飛常退詩比林猿響更悲就使弁州
真似舊望雲終起北堂思

艱危何意說秦青三歎曾看酒琖停已分客嫌原父傲未妨
人忌次公醒心情無復泥沾絮身世空憐雨打萍誰識來思
詩句好殘宵燈火謝家庭

辟家書來知弱
女已誦小雅矣

夜渡潞江

六千君子已沙蟲，依舊奔流怒殷空。
自笑老夫頑更健，又呼舴艋過江東。

瘴雲如墨夜冥冥，江館荒涼六度經。
津吏不來燈火滅，坐聞鬪鼠墮寒廳。

廣庭先生以雨後書懷詩見示次韻

象齒南金貢未錫，鬢雲溼土軍猶壁。
已停曠騎報烽煙，偶較鸞弧鳴霹靂。
是日較射江遠虛傳鬼彈生氣，烝時聽雷車激霽餘。
斜景羅琴書秋近涼，颺拂巾幘鈴索誰知我。
暮清茶煙宛似禪林寂，先生道眼久已空。
晚歲安心豈須覓勤學，偶開伯業書勞歌。
一任爰生笛逝將香觀埽塵根，更演潮音破憂戚。
去來一致不容思，垢淨兩忘何用滌。
深知解脫珠早還，自顧貪癡棒終喫。
鈍根擬斷睡地昏清境，思隨夢蝶適東山。
况復緩

過歸西邸常欣奉良覲月華夜夜對三人海味朝朝傳一滴

先生類口示詩皆見道語

仲紙休驚筆有神談空久識詩無敵

讀升之放言一篇再疊前韻

吾才鈍劣如鉛錫日日吟餘臥踞壁驟驚強句似飛黃忽向
龍池生霹靂依稀天問與招魂欲擬湘纍豈有激博博誰窮
九地深高高詭測三重嶽出出謔謔任吉凶烏烏雅雅從誼
寂牛哀化虎本何因樂廣疑虵難更覓醉醒還慙下若筍存
亡空感山陽笛浪傳貳負久橫尸孰信刑天工舞戚放眼君
今懷抱寬洗心見李氏易傳我已肝腸滌不見去年爰徽外如墨
江流白煎喫金甲春來雖未銷掃地焚香已酬適家人在室
感蠅蚋著莢寧須三歲覲戎州無事雨初停偶聽檐花階下
滴
槎柯肺癆一展吟不比昆陽輕大敵

三疊前韻示升之

條侯不奉師中錫，獨挈孤軍走吳壁。一朝喜得灌夫來，舌有
風雷飛霹靂。靈生平肝膽本輪囷，寶劍生鏗飛矢激。邇來世路
苦遭迴，劇甚疇人算。方罫百鍊鋼成繞，指柔竟欲投閒耽。閱
寂鹿脯頻須作帖，求豬肝自分從人覓。賞音終愧遇中郎，仍
向柯亭斲殘笛。土堦何堪接飛甍，蔗杖詎足諧干戚。關前赤
羽儻旋停衣，上緇塵當更滌。幽居時與蔣卿游，珍果還向朱
老喫。杜詩梅熟好
同朱老喫長流已免似虞翻，晚達何心羨高適。君歸
如復向淞南，煙水擎音定。長觀好倩奚奴壓酒槽，更呼小婢
排酥滴。閒人端可作閒詩，擁盾詞場再求敵。

黃與和韻見示四疊前韻

錢郎標格如金錫，擁被高吟聲撼壁。

黃與和韻見示四疊前韻

忽拈

劇韻剛雄豪落筆空堂響霹靂詞摹冰柱豈嫌怪意傲石壕
寧患激何爲芒彩忽中鼓大似彝尊疏布鞵君言往歲忝軍
諮借籌肯作寒禪寂殺氣如山欲壓營伏戎獨入箐林覓殷
天巨礮亂繁星仍臥沙場夜吹笛歸來殘血漬征衣未許妻
孥問軟戚擬紆噫氣發刁調晚毫更向冰壺滌指天只恐忤
雲門棒殺還教狗子喫羨君意氣已漸平呼馬呼牛從所適
我今處此似桃源已過花紅復來靚曾中壘砲勿復云差愛
眞珠當瓮滴精邱有路達華胥笑跡人間蠻觸敵

與黃與話去秋從軍時事五疊前韻

去年上將彤弓錫分路揚旌出銅壁兩軍合勢夾江趨蛇鳥
風雲迴霹靂自慚記室本非材橫槊鳴鞘差壯激積淖汪汪
淫雨深蒸歊漠漠蠻雲羃長圍兩岸督環攻巨礮中宵猶未

寂炎陬地惡病河魚肘後奇方安可覓所欣釜底剩游魂死
聲已入伶倫笛乞款書來忽受降番衆謹闌破慘戚爾時君
亦駐窮邊兩踝衝泥無暇滌飛書警報刺闈來毳飯寒苴隨
頓喫關門並轡得歸休夢到鈞天無此適追思殘暑始分襟
豈意窮冬再相覲如今鞞旅數經過重話艱危淚潛滴儒生
磨盾竟何爲詎有重瞳萬人敵

前作意有未盡以詩足之六疊前韻

隱峯神足工飛錫坐使強軍俱入壁乃知至人無畏施蟻跡
衝車走霹靂我今在苒柔木同妄擬孫郎多感激頻將學道
陋張津閉戶蒙頭絳帕幕去年仗劍飽艱辛始悟禪那堪守
寂此間寥闕過精藍枯松剩有寒鴉覓雙鳩學語亦未圓偶
聽嚶鳴等琴笛顛毛已自久成翁肺腑誰人密似戚伊威永

夜感淒清。崩劇終年。虛游滌僑。居畧比一枝。棲意緒。闕如七
椀。喫青山。倏墮滿牆頭。欲望中吳。究安適。名園底處。羨樊重
妙墨。何當問孫覲。不學丹砂。絕徽尋寧。思石髓。空山滴小窗。
虛白證楞嚴。澄心自掃陰魔敵。

奉酬黃與見示之作七疊前韻

碩人渥赭如公錫。舞應編鐘懸四壁。深知律呂召寒溫。不取
徽絃名霹靂。詩成示我再三歎。擘諧肉好。蠲悽激識君。繕性
兼尊生。浮沈本任蒼穹。羈況聞少日本單。寒破屋三間。甘閱
寂壯年流宕。轉他鄉溪南。一飽無由覓。忽從奏賦上。金鑿
自此雲韶聞。籥笛差堪算。權效裴請未肯干。時慕寧戚從戎
頻歲。按炎陬洗兵志。在蠻氛滌庶幾絕。徽免征徭粗飯。窮黎
得飽喫。元魯山與黃道州置君其列。殊堪適生平清德似袁。

楊久畏人知謝貨觀飲冰茹蘗不嫌辛此味傳家如乳滴請
看犀角兩兒郎頭玉峽嶢虎豹敵

寄博瞻齋八疊前韻

使君才似薩天錫曾向蓬瀛看畫壁揭來按部抵邪龍十八
溪流轟霹靂靈世事圍棋劫未闌人情踏弩機常激君今處此
獨忻然太清肯被微雲羃巖關絕隘自迴旋藥裏書籤伴岑
寂元卿况復在比鄰沽酒空齋定相覓將檢討舜游時主
大理書院講席憶
昔邊城絆甲時燈月雙圓試笙笛登場一聽鸞春鶯左驥史
姍俱悽戚舊夢如雲不可尋柔情似水何能滌知君病起萬
緣疎一口西江竟能喫雪泥鴻爪本無痕義髻銀箏隨所適
只聞馬首欲東行參商相望何由覲此詩莫遣細奴知恐惹
蠻箋紅淚滴天涯蕉萃又西風寄聲秋士愁無敵

雨後再過易羅池亭

遙峯影落清池底一段濕雲收不起
閒鷗偏掠雪上飛零亂
穿雲魚數尾半痕淺碧秋羅紋未容荷葉翻紅巾
山神連夕送急雨蘋華荇葉俱鮮
新我來倚檻數層嶂脚底忽聞人蕩槳
前池隱與後池連水閣如橋通小舫

七月初九日曉夢忽得十四字不知是何題也醒而成之因憶前此夢中似至恒春舊居憑欄眺望有一把柳絲二句今亦足成一絕

萬疊春雲碧似煙京華何處望南天
鴈回莫恨無消息路過衡陽又五千

燕泥珠網挂簾鉤別館蕭條只似秋
一把柳絲風又雨更無人與縮春愁

七夕

梧桐一葉秋悽懷最難釋星官亦有情誰能禁孤隻所以來
復期於茲契靈蹟今年逢午閏經月已見厄入秋又兩旬迺
始遭嘉夕宛如人間世羈臣少歡懌五角與六張事事動乖
隔黃姑本請天橫陳已久斥執手成陰陽此懷尙脈脈生爲
璇室女明妝應掄翟自從賈聘錢瀕河處幽僻雖有神足通
微波限咫尺青鸞未肯承烏鵲獨遙惜願以雙翠羽踐此文
綦迹遂令癡兒女乞巧薦瑤席蘭香終自熏明慧究何益不
見七襄工終朝勞緯繡我本不解事南來更衰白聾牙古性
情人世應棄擲稽首頌禪遺諒神非所嗇遺書所拙文幸無
室人謫

廣庭先生以詩見示次韻

此生已學意生身，偶爲明河感昔塵。
客裏秋期渾似夢，病餘詩筆愧如神。
小窗燈火依初月，故國刀環隔暮春。
先有今春回京之約
尙是關山戎馬日，莫教雙雉報歸人。

八月十七日黃與招同明侍衛碧夢仁及升之集易
羅池小飲待月次碧夢韻二首

亭臺到處有清緣，雨過長空卯色鮮。
碧漢尙留前夜月，本擬以十

四日來游有事不果，青山低映半湖煙。
翦燈便作停雲地，鬪酒初逢冷

露天。是日交白露節我亦提戈經轉戰，西風吹鬢已蕭然。
亭舊有明參將鄧子

龍對聯云百戰歸來贏得鬢邊白髮千金散盡惟餘湖上青山

勝地重來有勝緣，波紋星影共澄鮮。
依城佛塔凌秋嶂，隔岸人家罨暮煙。
柳葉蘋絲橋外路，玉沙金礫鏡中天。
鞦韆懷只合，背騰醉聽盡歌雲，倍黯然。

永昌水仙花臨秋已開或有疑其非時者次蘇文忠公韻以解之

水仙本仙種又如守節賢蕭條冰雪裏芳澤終能全所以楚靈均瓊佩中流捐茲開值秋仲弦月初行天忽疑江南岸餞臘當殘年亭亭凌波出冉冉微香傳炎方花事盛紅紫春新鮮似憐秋落寞數朶畝涼煙依然歲寒意雨夜爭幽妍明燈耿檣暈照我曲尺眠尙愁麝火觸豈敢茶盞煎惜無梅山礬物外同靜便招此斷腸魂永作一笑緣更與覓清供石筍兼苔錢

游寶山寺

寺在法寶山蒙氏異年尋所建

客中情緒如眠蠶亡何日飲誰能堪忽聞城東山寺古走馬一逕遵煙嵐苔厓翠厂儼屏扇九隆離立高相參危磻短笱

度村聚山椒雜沓圍松栢崇階登頓八九級入門調御排蓮

龕丁香正發糝紅片凌風金粟香初含老僧肩衣乞食去雙

扉自闔無人監沙彌一兩洗故衲氣象蕭寂兼清嚴旋由經

廚啟梵筴多聞義學窮詰誦函中如維摩圖覺諸經皆係

甌猥瑣士失學經史散佚無人耽桑門結習尙復爾青衿對

此當懷慚碑書古剎肇蒙舍南詔立國紛戈鐔傳異牟尋正

七世西破吐蕃陳貢函地圖方物進絡繹清平官使齊朝箋

銀窠金印示寵錫作藩南服聲靈覃鐸鞘浪劍誌武烈何亦

佞佛開精藍想當建朐役萬指琅璫鐵鳳翾重簷閱時千禩

屢興廢數椽仍見畱空嵌層樓縹緲出林莽振衣直上恣幽

探拓窗俯視堆衆皴沙河一派流漸漸原從大雪及交椅山

沙河發源交倚大雪二山合流循山而下入諸葛

履達于東湖堰相傳武侯所築村農曳以灌田循山曲折

趨東潭當年雍闓實逆命建寧烽火傳川南王伉目凱誓死
守神兵一掃妖烽燿安邊自應濟水利豈必附會如叢譟况
今秋成逢大稔苗雲萬頃盈甌隄武侯既往遺蹟在利澤萬
世偕嶢岷遐陬弔古不忍去荒林何意停甌駘殷雷欲奮雨
脚挂下嶺猶戀鐘聲館

秋夜

滇南不知寒豈識秋氣到今宵振微颺著體頗料峭林葉雖
未翻微黃已見告有如中年人忽忽近衰耄蠻奴率愚憊安
能解悽悼空將寥落懷付與蟋蟀弔我本九辨徒尻輪落南
詔行年四十七往事益縈繞明月漸如珪秋雲薄于縞清燈
鑒羅幃此意與誰道惟應淨塵根羈愁庶可掃

樽榻

雙手扶天綱壯懷本磊砢人道況尙右臂胛用尤夥如何忽
痿痺督脉困拘鎖去年暑未殘奮身入汙裸毒淫纏心脾蒸
濕注骨踝肩背亦受傷動若遭箭筈蠅頭久不書擲筆謝璨
瑳何由倣清臣脚氣篡叢瑣所擬從期門殺敵尙須果今茲
筋肉弛寧異左師跋拓戟暨彎弧二者無一可矧此雲幕中
從事兩破礮偏剩一人半定見等廢情懸知時命慳遠客仍
輒軻昨者思據鞍欲上已憊懣實緣精氣衰豈能藉藥裏只
合歸江湖隱囊趁單舸臨秋更持蠟此計庶非左

升之生日次廣庭先生韻四律

北歲同軍府霜清拂劍花何期弧矢節仍望斗杓斜文采傳
窮微聲名冀克家兼懷命剛少鈍依劉真得地彈鋏不須嗟

促坐收書帙哦詩散墨花西風寒漸峭南陸景初斜雪鬢三

千丈秋砧十萬家孤生虛負米獨起望雲嗟

生意沾泥絮微蹤落洞花題襟從慰藉步履互橫斜雲樹遙

當戶琴樽宛在家回思烽火日致語莫興嗟去年升之從軍有路此日正抵

吟

菊淨朝團露楓殷遠闕花夜寒石溜響風起篆香斜翦燭宵

疑夢銜杯醉是家杜詩得醉即為家庚寅懷誕降應笑楚臣嗟

碧夢以所獲野鳧見餉有作

昔我未仕儕村農繡鴨作隊柴門東拍浪兒挾桃枝弓數獲

往往誇盈籠誰知火鎗用更宏剡木三尺髹以紅中剡一竅

榜而空實子五銖鉛所融和厥硝藥能飛衝是時秋高盡陸

種滯穗盈畝禽所從綠頭接翅翔涼風日俛且啄膚草充君

也約服馳黃驄天發殺機聲隆隆流星一點行青穹中必疊

雙等五鬣如皋之笑迴明瞳歸飭膳宰和椒葱羶膏鮮羽眞
宜冬知我杞菊廚不供臺餽欲使加朝饗游畋畢弋古所崇
羨君藝比蒲且工微生每爲口腹窮只合長避菰蒲叢打魚
有歎將母同歡娛蕭瑟一飽中對此忽憶歸吳淞

病中生日升之復次前韻見贈奉酬四首

十笏維摩室新詩宛散花獨憐人漸老竟似日將斜寥落三
年戍飄霑兩地家感君鄭重意伏枕更長嗟
此日京華路仍添供佛花冰霜時慘澹燈火淚橫斜已分愁
爲宅長憑夢到家我辰竟安在莫慰倚闥嗟

龍鐘四十七一夢等空花每歷中年感兼逢暮景斜緝經依

佛地致語藉僧家

先是寶山寺僧言余
生辰當爲焚香展祝

舊雨同今雨猶欣憶

子嗟

是日黃與碧夢及吳
知州式齋借皆見過

梅糝千枝玉蘭抽九畹花恰從禪榻伴畱畔藥煙斜客久拚
更歲時艱敢憶家何當聞吉語把酒免咨嗟

廣庭先生復以詩見示次韻四首

蕭瑟三冬節衰遲一葉身幸隨西府掾敢擬北樓賓垂老才
華減相知笑語頻微生同小草竊喜近韶春

昨歲逢今日初收遠戍身

去年此日正班師至黑石河

烽煙停轉戰琛賚

佇來賓論事驚心久籌邊屈指頻青雲漸干呂吹律應回春
父母劬勞日關河漂泊身鑿楹思教子翦髮憶畱賓鄉夢蒼
茫隔家書悵望頻采蘭與懷橘何計報三春

不分懸弧志終成斷梗身生涯隨鴈旅職業託龍賓把酒挑
燈數看山拄笏頻醉餘忘失路疑在故園春

原作

長自阿桂 廣庭

嶽地三年客軍中百戰身傳經崇世講蘭泉鄉試座主夢少司農文子會試
座主錢少司寇稼軒及房師李少借箸重嘉賓白髮歸還
空西華皆先文勤公乙丑所取士未青燈聚正頻初辰一卮酒梅放近陽春

金松次韻

喬松金氏宅其勝夙未經趁閒試一訪舉策開幽局蒼然起
寒色問歲非修齡何爲蟠屈意已若鍾英靈一枝欲直上忽
折橫空庭盤拏不得放鱗鬣爭浮青森森闕遠勢颯颯回層
冥過牆兼覆屋力足排飛霆濃苔久更暈弱羽愁難停其根
亦墳起盡得蛟螭形安知九地底負土無仙苓寒颯雖振蕩
儼激山泉冷終看後凋性不作先秋零主人頗絃誦守獨哦
遺經人生應孤勁此可當前型勿同宋社櫟擁腫論荒坰

魯梅次韻

梅花似幽人相賞不在衆一枝竹外斜已足挂么鳳况茲古
梅古意外出奇縱生涯倚破屋孤瘦誰與共頻年苦蕉萃豈
免時俗諷終看標格在桃李敢伯仲我欲訪冰花一洗邊瘴
重蕭然白版扉繫此青絲鞵更攜益友三黃與升不藉閒賓
之碧夢
從遶枝但清吟未敢狂擊甕可憐青銅柯半倒蒼石縫餘香
仍返魂洵爲天所種坡詩嘉蘇
天所種春禽亦苦寒深夜絕啁啾宛
然姑射仙翠袖守僵凍誰爲聘海棠佳耦匹齊宋清愁無可
浣庶幾酒一中歸途聞霜鐘煙月宛如夢

庭梅試花有作

依依疎影傍檐楹空裏寒香逆鼻生客爲重來增長望花如
舊侶共淒清冰霜蕭瑟春猶淺燈火青熒夢未成莫怪鄉愁
今更亂天涯又近歲華更

除夕口占

滇南三度餞華年最是今番寄絕邊
斗大山城同聚落偶聞爆竹響春煙

藥椀經旬旅病淹心如黃蘗幾時甜
頻年不見梅間雪暗向征人鬢上添

先春桃杏已飄英隱隱殘雷度碧城
守盡長宵眠不穩獨聽漏版過三更

不拈臘酒不吟詩坐對緜桃一兩枝
更有紅鑪知伴我瓶笙永夜奏參差